

Na osnovu člana 3. Pravilnika o kriterijima i postupku dodjele sredstava medijskim subjektima sa području općine Tuzla („Službeni glasnik Općine Tuzla“, broj: 6/14), Služba za razvoj, poduzetništvo i društvene djelatnosti Grada Tuzla, dana 3.6.2015.godine, objavljuje:

**JAVNI POZIV
za dodjelu finansijskih sredstava medijskim subjektima
sa područja grada Tuzla**

I - Predmet Javnog poziva

Javnim pozivom prikupljaju se prijave medijskih subjekata (radijskih, televizijskih, štampanih, elektronskih), koje se odnose na informisanje građana o aktivnostima Gradskog vijeća, Gradonačelnika, gradskih službi, javnih preduzeća, javnih ustanova i organizacija civilnog društva koje finansira/sufinansira Grad Tuzla.

II - Pravo učešća

Pravo na dodjelu finansijskih sredstava mogu ostvariti medijski subjekti koji ispunjavaju sljedeće uslove:

- imaju sjedište i registrovani su na području grada Tuzla,
- raspoložu tehničkim, prostornim i kadrovskim potencijalima za informisanje građana o aktivnostima Gradskog vijeća, Gradonačelnika, gradskih službi, javnih preduzeća i javnih ustanova koje finansira/sufinansira Grad Tuzla,
- služe javnom interesu i doprinose formiranju slobodnog javnog mišljenja,
- nepristrano, objektivno, istinito i argumentovano objavljuju informacije,
- doprinose promovisanju vrijednosti demokratije, političkog pluralizma, tolerancije i razumijevanja među građanima i narodima,
- poštuju ljudsko dostojanstvo i fundamentalna prava drugih,
- ne obavljaju aktivnosti u ime bilo koje političke partije,
- otvoreni su i dostupni za različita mišljenja i poglede od interesa za javnost.

III - Način prijavljivanja

Prijave na Javni poziv podnose se na prijavnom obrascu kojeg je propisala Služba za razvoj, poduzetništvo i društvene djelatnosti Grada Tuzla.

Prijavni obrazac može se preuzeti na web stranici Grada Tuzla (www.tuzla.ba) ili u Centru za pružanje usluga građanima (protokol Grada Tuzla).

Uz popunjen prijavni obrazac, aplikant je obavezan da dostavi i sljedeće dokumente:

- rješenje o registraciji / rješenje o odobrenju za rad (ovjerena fotokopija),
- identifikacioni broj (ovjerena fotokopija),
- ličnu kartu lica ovlaštenog za zastupanje (prosta fotokopija),
- opisni izvještaj o realizovanim sadržajima informisanja građana po Javnom pozivu u prethodnoj godini (ukoliko aplikant nije već prethodno opravdao korištenje istih ili izjava potpisana od strane odgovorne osobe aplikanta da se radi o aplikantu koji nije učestvovao po ranije objavljenom Javnom pozivu),
- uvjerenje o izmirenim poreskim obavezama (original),
- bilans stanja i uspjeha za prethodnu godinu za pravna lica ili godišnju prijavu poreza na dohodak za fizička lica (prosta fotokopija),
- cijenu emitovanja ili štampanja pojedinačnih programskih sadržaja.

IV - Kriteriji za ocjenu / analizu ponuđenih sadržaja informisanja građana

Opravdanost i prihvatljivost sufinansiranja medijskih subjekata, cijenit će se na osnovu odredaba Pravilnika o kriterijima i postupku dodjele sredstava medijskim subjektima sa području općine Tuzla („Službeni glasnik Općine Tuzla“, broj: 6/14).

V - Podnošenje prijava

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (protokol Grada Tuzla) ili poštom na adresu:

GRAD TUZLA

Služba za razvoj, poduzetništvo i društvene djelatnosti
Ul. ZAVNOBIH-a broj 11, 75000 Tuzla, Bosna i Hercegovina
sa naznakom:

**„Prijava na Javni poziv za dodjelu finansijskih
sredstava medijskim subjektima sa područja grada Tuzla – ne otvaraj“**

Javni poziv je otvoren 15 dana od dana objavljivanja (zaključno sa 18.6.2015. godine).

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u Javnom pozivu, mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035/307-387 i 307-388.